

Cyngor wrth gael eich Rhyddhau o'r Ysbyty

Dacrocystorhinostomi Endoscopig (DCR)

Cyngor wrth gael eich rhyddhau o'r ysbyty yn dilyn Dacrocystorhinostomi Endoscopig

Yn dilyn yr anesthetig dylech ddilyn diet ysgafn ac osgoi diodydd pefriog am y dydd i atal salwch. Dylech fynd adref yn syth o'r ysbyty a gorffwys am 2 ddiwrnod.

Gweithgareddau dydd i ddydd

Argymhellir eich bod yn cymryd 2 wythnos i ffwrdd o'r gwaith ar ôl y lawdriniaeth. Dylid osgoi ymarfer corff neu weithredu peiriannau trwm yn ystod y cyfnod hwn. Gellir darparu nodyn salwch cyn i chi gael eich rhyddhau - bydd angen i chi wneud cais am hyn. Fe'ch cynghorir hefyd i gadw draw o amgylcheddau myglyd neu lychlyd a lleoedd gorlawn er mwyn ceisio osgoi haint.

Ceisiwch osgoi diodydd poeth iawn, prydau bwyd poeth iawn a baddonau neu gawodydd poeth iawn am bythefnos ar ôl y lawdriniaeth i atal gwaedu trwyn. Peidiwch â chwythu'ch trwyn, a thisian gyda'ch ceg ar agor yn ystod y cyfnod hwn. Fe'ch cynghorir yn gryf i roi'r gorau i ysmegu gan fod hyn yn amharu ar allu'r corff i wella ac yn cyfrannu at symptomau trwynol parhaus. Gall staff roi cysylltiadau cymorth i chi er mwyn eich helpu i roi'r gorau iddi.

Poen

Mae'r rhan fwyaf o gleifion yn teimlo rhywfaint o anesmwythdra yn y trwyn am yr ychydig ddyddiau cyntaf ar ôl y lawdriniaeth. Dylai cyffuriau lleddfu poen syml a gymerir yn rheolaidd, fel paracetamol, lleddfu'r anesmwythdra. Bydd staff nyrsio yn trafod meddyginiaeth gyda chi cyn i chi gael eich rhyddhau o'r ysbyty. Os yw'r boen yn eich trwyn yn cynyddu neu os bydd pen y trwyn yn dynner i'w gyffwrdd neu'n chwyddo, cysylltwch â'r ysbyty neu'ch meddyg teulu am gyngor.

Fel arfer gosodir tiwb plastig yn y dwythellau dagrau yng nghornel eich llygad i gadw'r llwybr draenio ar agor wrth iddo wella. Gall hyn achosi rhywfaint o anghysur a llid cychwynnol i'r llygaid ond mae hyn fel arfer yn setlo'n gyflym. Mae'n bwysig osgoi rhwbio'ch llygad gan y gall hyn ychwanegu at y llid a rhyddhau'r tiwb. Os bydd y llid yn parhau am fwy na 2 ddiwrnod neu os bydd y tiwb yn dod yn rhydd, cysylltwch â'r ysbyty am gyngor.

Clwyf

Efallai y bydd gennych redlif dyfrllyd gydag ychydig o waed ynddo yn dod o'ch trwyn. Bydd eich trwyn hefyd yn teimlo wedi'i rwystro gan y bydd wedi chwyddo ar ôl y lawdriniaeth. Mae hyn yn rhan normal o'r broses o wella a gall bara hyd at 4 wythnos ar ôl y lawdriniaeth. Os bydd gwaedu'n digwydd, pinsiwch eich trwyn yn ofalus, pwyso ymlaen a rhoi iâ arno. Os na fydd y gwaedu'n stopio ar ôl 20 munud, ewch i'ch Adran Damweiniau ac Achosion Brys agosaf.

Os byddwch yn dechrau gweld rhedlif tebyg i grawn (melyn-wyrdd) yn dod o'ch trwyn neu'ch llygad dylech gysylltu â'r ysbyty neu'ch Meddyg Teulu am gyngor. Gall crystiau a chrachenni ddatblygu y tu mewn i'ch trwyn. Ceisiwch osgoi pigo'r rhain gan y gall hyn achosi gwaedu a gall amharu ar eich gwellhad. Efallai y cewch eich cyngori i olchi eich trwyn â dŵr halen a bydd staff yn eich cyngori ar hyn ac yn darparu gwybodaeth ar wahân i chi fynd adref gyda chi. Os oes gennych unrhyw ddresin hydawdd y tu mewn i'ch trwyn bydd staff yn eich cyngori ar ffyrdd i annog y dresin i doddi. Efallai y byddwch hefyd yn cael presgripsiwn am wrthfotigau, hufenau, chwistrellau neu ddiferion ar gyfer eich trwyn a/neu'ch llygad yn dilyn y lawdriniaeth. Bydd eich llawfeddyg yn esbonio hyn yn fanwl cyn i chi gael eich rhyddhau.

Camau Dilynol:

Fel arfer bydd angen i chi gael eich gweld gan eich ymgynghorydd yn y clinig 6-8 wythnos ar ôl eich llawdriniaeth. Mae'r tiwbiau'r dwythell dagrau'n cael ei dynnu, fel arfer, yn y clinig, ar y pwynt yma hyn o bryd, felly mae'n bwysig iawn eich bod yn mynychu. Bydd manylion yr apwyntiad hwn yn cael ei bostio atoch chi.

GWYBODAETH AR BETH I'W WNEUD MEWN ARGYFWNG AR GYFER CLEIFION SYDD WEDI'U RHYDDHAU O'R YSBYTY

09:00 tan 17:00 o ddydd Llun i ddydd Gwener (ac eithrio gwyliau banc):
Cysylltwch ag ystafell Driniaeth ENT ar 01633 234018

Ar ôl 17:00/dros nos: Ward C0 ar 01633493926

Wedi 17:00/dros nos (plant): Ward C1 ar 01633 493609.

"Mae'r ddogfen hon ar gael yn Saesneg / This document is available in English"